



Heinricus literarū amore sese hinc inde ad academias contulit. ubi diligentia & ingenio fretus, breui liberalium artium magister creatus, postea Iurisprudentiæ operam dedit, & in iureconsultum doctissimum euasit. Eius tempore Concilium Constantiæ celebrabatur. itaq; eò profectus disputando & scribendo mirum in modum se exercuit. Erat enim in diuinis scripturis & seculari philosophia eruditissimus. cuius ingenij promptitudinem & consilij prouidentiam Ioannes Nider in suo de formicis opusculo multis uerbis commendat. Post Concilij dissolutionem sese Norinbergam contulit, atq; ordinem S. Benedicti assumpsit. ubi etiam

ob uitæ innocentiam, & omnigenam doctrinam breui abbas Monasterij S. Aegidij creatus est. Anno circiter millesimo quadringentesimo decimo septimo. Cum in eo officio aliquandiu perseuerasset, tandem ibidem moritur. Trit.